

Bulletin 04-10-2024

- राष्ट्रपति द्रौपदी मुर्मू होरें राजस्थान सम्मेलन च कुल संसारी मसलें गी हल करने च आध्यात्मिकता दी भूमिका पर लौह पाई।
- प्रधानमंत्री नरेंद्र मोदी होर प्रधानमंत्री किसान सम्मान निधि यानि पी.एम किसान स्कीम दी कल 18मीं किशत जारी करडन।
- रक्षा मंत्री राजनाथ सिंह होरें आखेआ जे भारत गी इक वैश्विक विनिर्माण केंद्र बनाने दे कन्नै रक्षा उद्योग गी निर्यात योग बनाने लेई सरकार बचने बज्जी दी ऐ।
- गृह मंत्री अमित शाह होरें युवाएं गी नशे दी नेहरी दुनिया च धकेलने लेई कांग्रेस पर हमला कीता।
- केंद्री मंत्री किरण रिजिजू होरें आखेआ जे सरकार औंदे स्यालै आहले इजलास दौरान वक्फ संशोधन बिल आहनने लेई धेइया कीते दा ऐ।
- खजाना मंत्री निर्मला सीतारमण होरें कौटिल्य आर्थिक सम्मेलन-2024 च माली अनुशासन दे प्रति सरकार दी बचनबद्धता गी दोहराया।

<><><><><><><><>

Prez. Summit

राष्ट्रपति द्रौपदी मुर्मू होरें आखेआ ऐ जे आध्यात्मिकता दे राएं ना छडे निजी जिंदगी दे बल्कि समाज ते धरती मां दे सरबंधी मसलें बी हल्ल होई सकदे ना। राष्ट्रपति होर अज्ज राजस्थान च साफ ते स्वस्थ समाज आस्तै आध्यात्मिकता दे ग्लोबल सम्मेलन दे उद्घाटनी सत्र गी संबोधित करा'रदे हे। एहू सम्मेलन ब्रह्म कुमारी संस्थान नै अब्बु रोड उपपर आयोजित कीते दा हा। राष्ट्रपति मुर्मू होरें गलाया जे जिस समें दुनिया दे कई हिस्सें च अशांति हुंदी ऐ या मनुक्खी मुल्लें दा घाट्टा हुंदा ऐ, उसलै शांति ते एकता दा महत्व होर मता बधदा ऐ। उनें आखेआ जे अज्ज पूरी दुनिया ग्लोबल वार्मिंग ते वातावरण प्रदूषण दे प्रकोप कन्नै प्रभावित ऐ ते इस मुश्कल दौर च स्हाढा फर्ज बनदा ऐ जे अस्स इनें चुनौतियें दा सामना करने आस्तै हर मुमकिन जत्त करचै। उनें साफ-सफाई बारै गल्ल करदे होई आखेआ जे सफाई गी हर समाज च महत्वता दिती गेई ऐ ते स्हाढे बुजुर्ग साफ-सुथरे खाने गी बडा गै महत्व दिंदे हे। सरकार दे जैविक खेती गी बढावा देने दा जिक्र करदे होई उनें आखेआ जे एहदे कन्नै साफ-सुथरा ते जैविक जीन मिलोग। इस कार्यक्रम गी राजस्थान दे राज्यपाल हरिभाऊ बागडे होरें बी संबोधित कीता।

<><><><><><><><>

PM Kissan

प्रधानमंत्री नरेंद्र मोदी होर महाराष्ट्र दे वाशिम च कल प्रधानमंत्री किसान सम्मान निधि योजना दी 18मीं किशत जारी करंगन। इस गैंह कन्नै मुख्य दे 9 करोड़ 40 लक्ख शा मते करसानें दे बैंक खातें च सिद्दे 20 ज्हार करोड़ रुपें शा मते मुंतकिल होई जांगन। राई-बाई मंत्री शिवराज सिंह चौहान, मच्छी पालन, पशु पालन ते डेयरिणं सरबंधी मैहकमें दे केंद्री मंत्री राजीव रंजन सिंह बी इस समारोह च शामिल होंगन। तकरीबन ढाई करोड़ करसान वेव कास्ट दे राहें इस कार्यक्रम दा हिस्सा बनंगन। 24 फरवरी 2019 गी रम्भी गेदी पी.एम

किसान योजना तैहत योग्य करसानें गी हर बरे त्रै बरोबर किशतें च कुल 6 ज्हार रपे दिन्ते जंदे ना। कल जारी कीती जाने आहली किशत गी रलाइयै अजें तगर इस स्कीम तैहत जारी रकम 3 लक्ख 45 ज्हार करोड़ गी पार करी जाग ते एहदा लाहू तकरीबन 11 करोड़ करसानें गी थ्होआ ऐ।

<><><><><><>

### Cabinet-PM RKVY

केंद्री मंत्रिमंडल नै राई-बाई दे खेत्तरै च आत्मनिर्भरता लेई खाद्य सुरक्षा हासल करने ते राईबाई दे टिकाऊ तौर-तरीकें ते कृषोन्नती योजना गी बढ़ावा देने लेई प्रधानमंत्री राश्टो कृषि विकास योजना गी मंजूरी दिती ऐ। प्रधानमंत्री राश्ट्री कृषि विकास योजना ते कृषोन्नती योजना दी अमल-आवरी पर 1 लक्ख करोड़ रुपें शा मते दा खर्च होग। इस बारै नमीं दिल्ली च मीडिया गी जानकारी दिंदे होई सूचना ते प्रसारण मंत्री अश्विनी वैष्णव होरें गलाया जे काबीना दी बैइक दौरान करसानें दी औंदन बधाने ते खाद्य सुरक्षा यकीनी बनाने मतल्लक फैसले लैत्ते गेन ते एहू योजना इसै गैहू दे दऊं महत्वपूर्ण थम्म ना। उनें विश्वास जताया जे इनें हीलें कन्नै करसानें दी औंदन पक्कू गै बधोग। प्रधानमंत्री राश्ट्री कृषि विकास योजना तैहत मिट्टी दी सेहत दे प्रबंधन, बरखें आले इलाकें दा विकास, एगो-फारेस्टरी, परम्परागत कृषि विकास योजना ते per drop more crop योजना शामिल ना।

<><><><><><>

### IRENA-REJ

नमीं ते अक्षय उर्जा दे मंत्रालय नै आखेआ ऐ जे भारत दे अक्षय उर्जा खेत्तर च नौकरिणं दी कुल गिनतरी पिछले बरे 10 लक्ख दे आंकड़े गी पार करी गेई। मंत्रालय नै अंतरराश्ट्री अक्षय उर्जा एजेंसी दी बरे 2024 दी सालाना समीक्षा च जारी आंकड़ें दा हवाला दिंदे होई एहू जानकारी दिती ऐ। मंत्रालय मुजब भारत दे टकोहदे जोगदान दे कन्नै गै इस खेत्तर च वैश्विक कार्यबल तकरीबन 1 करोड़ 62 लक्ख तगर पुज्जी गेआ ऐ। रिपोर्ट च आखेआ गेआ ऐ जे तकरीबन 4 लक्ख 53 ज्हार नौकरिणं दे कन्नै पनबिजली दा खेत्तर सब्बनं शा मती नौकरियां देने आला रेया ऐ जेड़ा वैश्विक हिस्सेदारी दा कुल 20 फीसद ऐ। एहदे परैंत 3 लक्ख शा मते रोजगार देने आहले सोलर फोटोवोल्टिक खेत्तर दी थाहर ऐ। पवन उर्जा, तरल जैव ईंधन, ठोस बायोमास ते सौर ताप ते होरनं खेत्तरें बी मता जोगदान दिता ऐ। मंत्रालय नै इस कामयाबी दा श्रेय पी.एम कुसुम सने प्रमुख कार्यक्रमें गी दिता ऐ।

<><><><><><>

### Rajnath-SIDM

रक्षा मंत्री राजनाथ सिंह होरें अज्ज आखेआ ऐ जे बरै 2023-24 दरान घरेलू रक्षा उत्पादन इक्कू लक्ख 27 ज्हार करोड़ रुपे दा आंकड़ा पार करी चुके दा ऐ। भारतीय रक्षा निर्माताएं दी 7मीं सालाना बैठक जेडी नमीं दिल्ली च होआ'रदी ही, ओहदा संबेधन करदे होई रक्षा मंत्री होरें दस्सेया जे रखा खेत्तरें च नमीं टेक्नोलॉजी दे विकास लेई सरकार नै कई योजनां लांच कीती दियां ना। मंत्री होरें भलेयां नमीं टेक्नोलॉजी जियां के आर्टिफिशल इंटेलीजेंस, साइबर डिफेंस एंड आटोनामस सिस्टम लेई भारत गी भविक्ख च तैयार रौहने लेई





घरेलू तिलहन उत्पादन गी प्रोत्साहित देग, मेहनती करसानें गी मदाद देग ते टिकाऊ कृषि प्रणालियें गी बढावा देग।

<><><><><><>

## IISF-2024

भारतीय अंतरराष्ट्रीय साइंस समारोह यानि 2024 IISF इस बरे असाम दे गुवाहाटी च 30 नवंबर थमां लेइयै 3 दिसंबर तोहडी चलोग। इस समारोह दा मकसद भारत दे साइंस एंड टेक्नोलॉजी खेत्तरे दे होई दिएं उपलब्धियें दा जश्र मनाना होग। इस बारे गल्ल करदे होई एस एण्ड टेक्नोलॉजी दे केंद्री मंत्री डॉ. जितेंद्र सिंह होरें गलाया जे इस बरे IISF 2024 दा विषेसार Transforming India into a Science and Technology driven global manufacturing hub होग यानि भारत गी दुनिया साइंस एंड टेक्नोलॉजी दा गढ बनाना इस बरे दे IISF दा मकसद रौहग। IISF 2024 दा आयोजन CSIR दे राएं कीता जाग। डॉ. सिंह होरें आखेआ जे साइंस फेस्टिवल दा 10मां चरण होग जेदे आस्तै गुवाहाटी गी मेजबान राज्य चुने गेदा ऐ कीजे प्रधानमंत्री नरेंद्र मोदी होर नार्थ ईस्ट यानि उत्तरी पूर्व भारत दे विकास लेई जोर पांदे न। इस मौके पर केंद्री मंत्री डॉ. जितेंद्र सिंह होरें वीडियो बी जारी कीता।

<><><><><><>

## SL-Jai Shankar

विदेश मंत्री डॉ. जयशंकर श्रीलंका दे अपने इक दिनी अधिकारिक दौरे पर कोलम्बो पुज्जी गे न। कोलम्बो पुज्जने दे मगरा डॉ. जयशंकर होरें सोशल मीडियउा पर पोस्ट करियै आखेआ जे ओहू श्रीलंका नेतृत्व कन्नै मिलने ते गल्लबात करने लेई ओहू बेसब्री कन्नै इंतजा करा'रदे न। स्हाढे संवाददाता नै रिपोर्ट च दस्सेया जे भारतीय विदेश मंत्री श्रीलंका दे कई बड्डे लीडरें कन्नै गल्लबात करा'रदे न।

<><><><><><>